

豫

章

焚

書

第二〇册

豫

章

焚

書

卷之四

澱園詩集卷四

南昌 萬時華 茂先

七言律詩

風雨坐榆墩與武子憶盧原文別

春水牽愁日滿樽
元君亭畔笑書淫
飛花濕燕巢難
定芳草依人雨不禁
風雨床連寒食晚
曉昏鐘護隔
橋陰孤燈共憶來
朝別銷盡年光是此心

送劉深公游吳越同阮子如

只爲桃花恨未生
春衫朝共阮郎行人當去路偏歸
雁樹入年光又聽鶯
約客同登蘇小墓
題詩看遍閩

閭城教成妙舞翻新曲怕度陽關第四聲

榆墩晚晴同武子

古壠吹簫滿衣風杖倚開門賴子同雨過林光疑墜
綠日餘池影半舒紅新鶯入戶催花落亂鳴穿籬覺
水通惆悵不知千樹暝隔溪燈火祝鷄翁

送張純宇歸祁門

純宇向同徐若谷侍郎成清
浪春省侍郎病來豫章比叙

諸孤嘉其義詩以送之
是年純宇七十壽矣

處士星移吳楚分生持珮劍報徐君來參綠水下花
月歸卧黃山萬壑雲歲閱滄桑棋換世老貪松木鶴
爲羣五溪人去愁難寄細讀猿聲夢裏聞

送周仲寧歸黃州

因君三伏浴新涼愁見驅車下夕陽
風雅相看兄弟社頭顱如此別離腸
行經古驛鳩邊雨坐歷鄉園鴈裏霜
我憶周郎瞻夏口山川依舊鬱蒼蒼

道恒等可匡雲三上人赴齋

閉戶高僧偶見尋共披塵榻慰孤吟
花餘檀度巷中雨藤出天池寺裏陰
閱世堦前忙萬蟻忘機飯後施諸禽
草堂欲問無生偈松竹深深古佛心

送楊伯祥太史冊封蜀藩

錦水開藩壯本支芙蓉城下御書馳
關西夫子初乘

傳蜀國書生盡問奇
兵火人思河內節
山川和遍杜陵詩
相逢共話題橋事
故國風流已在斯

九月十七日夜坐月四更遂作

殘更燭盡尙依闌
只戀清輝就枕難
未老預愁霜下怯
當圓頻記雨中看
花痕入午叢分小
鴉宿驚寒夢不安
萬古月明多少恨
也知今夕恨漫漫

送喻京孟遊武夷

一月春風草半薰
開帆遙拜武夷君
囊琴夜宿平江雨
緩帶朝披大壑雲
偈獻岩花千佛笑
杖窮泉路九谿分
變成更伴靈妃馭
仙樂聲中共鶴羣

時全祐藏
菩薩女侍

粉姑護像入山苦
薩閭廖氏女也

孟春二十一日放生會星半公等公

山氣霾雲日有端試將空色雨餘看沙邊祇樹逢開
士座上拈花現宰官初地魚蝦知水樂傍人鷗鷺覺
天寬江湖此際規羣動不似人間行路難

牙背爬次元人宋子虛韻

滇南象齒散崑花像出雕殘瑩少瑕漢殿掌孤盤有
露首陽拳老蕨初芽背多餘癢羞參艮爪學真仙不
姓麻頭白將軍恬夜卧慣將清事付兒家

送唐別駕督餉南京

金陵昭代古關中轉餉誰先第一功雲罕五鹽初近
日霜帆千里又乘風鼉鼉秋老軍儲壯龍虎江蟠王
氣豐花月蔣山吟望好休遲竹馬懷兒童

秋日登滕王新閣次大中丞解公韻

西風懷古易生愁楚客年年來玉秋江隱靈蛟酣異
氣山尋舊鹿想宸遊霞光射岸村啣照雁影歸潭水
並荒恍慨書生當聖代忍將漁遂起閒謳

登高簾影護崔嵬倚檻新乘閣道迴鶴嶺雲浮仙異
代馬當風送客多才魚龍氣挾晴空遠蛺蝶人疑夜
月來最喜兵荒銷卧理萬家秋色淨樓臺

潦水寒潭記昔遊重樓新榭又逢秋閣分吳楚陪黃
鶴人對湖山穩白鷗楓照千林明遠寺沙迴萬櫓見
歸舟愁聞直北多戎馬慙負江湖聖主憂

中丞今日賦靈臺曾試春燈賜酺廻章水抱欄初展
鏡董家新榻不生苔洪厓木葉驚霜下書渚煙邨向
晚開八月江樓秋色滿飛濤疑自廣陵來

甲戌閏中秋微月宣城方元甫濮陽文伯華亭
朱宗遠白狼宋榮公新都閔承升匡山道恒
過集

六街宛轉護層煙好月迷秋亦自憐初賀輪重萸葉

外却憎兔隱菊花前高城木落催霜杵小墅蟲多聒
露筵君輩天涯同薄醉一尊分對故鄉圓

送朱宗遠歸華亭

先生幽夢續江淹勝事華亭一代兼清入米家同是
癖才多朱异笑稱廉鷗汀岸到思驚坐蝶閣帆開獨
下簾惆悵鱸魚秋便好離杯容易釀愁添

滕王閣送朱夢得拜官北上

東風樓閣慰同人細雨輕霑別路塵春共辛盤初結
侶杯殘午夜暫留賓世從子駿思中壘帝念襄陽得
友仁珍重朝家鍾鼎事子年今已付宗臣

鬱儀先生
別號海岳

故用米
帶事

暮閣全淹爲別難
劍裝明發又長安
燈添夕火歌三疊
寒試春衣路幾盤
章水柳難今日綰
曲江花記隔年看
思君更向披香殿
千樹宮鶯掠曉鞍

寄沈崑銅

聞君累月泛湖槎
鶴背孤山曉暮霞
閒種園蒿驅世網
怨隨江草又天涯
十年錦水侯芭席
千里蕪陰御史家
相憶復添華屋恨
淚兼寒雨作簷花

彭工部質先二月社集湖舫分賦

棟花風老雨絲肥
結伴湖南舊釣磯
夾岸香生青草

長曲欄聲動白鷗飛五陵佳氣藏金盞四海腥風滿
鐵衣燈火橋邊榆社散醉歌猶逐夜漁歸

孺子祠

舊宅曾聞傍水濱祠堂古岸照嶙峋五陵樹已迷狐
兔一榻香猶薦藻蘋意氣何人傾赤社英雄滿地兆
黃巾當年龍戰終多事千古冥鴻屬外臣

喜得思尹眞州書

知君不死未全憂今日開書始欲愁豺虎穴中人負
劍旌旗江上客行舟拂龜纔斷家人卜問柳仍悲少
婦樓更向馬當頻漑酒好風乘夜送眞州

謝朱禹卿折贈牡丹

牆東無分對花晴
折贈輕寒昨夜莖
種借姚黃驕寂
莫詩無李白愧清平
豔生蝸壁春猶駐
香沁藜床夢
未成莫恨尊前易搖落
名園多少怨啼鶯

漑園春興用六麻韻四首

多負溪邊幾樹花
人歸春老徑全遮
泥喧蟻半爭桃
鳩日暗鶯知坐柳
衙菜種闌珊
黃氣滿草窠
重疊綠
香加東籬
臘月殊愁薄
喜迸新雷
籜影斜

楊柳初成未覆鴉
晴蜂社燕偶爲家
春絲晝倦紫花
片溪漲宵平出草芽
叱叱遶塍歸舍懶
丁丁擲水避

人蛙前邨又報催禾雨雨上青衫帶晚霞

槿插春泥幃戶斜誅茅傍水當浮槎溪搖亂鴨風干
點門掩啼鳩雨萬家村氣成烟籠遠樹帆陰隔浦帶
平沙侵衣忽覺微香動昨夜晴添昨夜花

幕溪雲影薄於紗布穀聲中日已斜蝶愛晚香時在
園鵲爭新葢欲移家和風戀客衣多絮急雨無人徑
有花何必終南松尤好陶潛生計是桑麻

上巳漚園聞朱子美修社東湖却簡

遙聞畫鷁古橋東王謝當時碧水同祇事不除愁與
病好春嘗恨雨兼風徐亭柳弱飛花後蘇圃晴搖落

日中幽夢獨迴鶯樹底笑題蕉紙索詩同

急雨坐文成祠拂軒憶時之楚游

落花寂寂點香泥闌靜風危却倒吹瓦覺闌飛鶯亂
馬樹兼雷動叫寒鳴天連細草思歸驛人暗荒苔坐
古祠春伴主人湘水去蒼梧雲起或題詩

落花歸鴈

風雨蕭蕭足暮寒花前鴈後思無端愁同落蕊枯榮
蚤人阻翻飛去住難千片寂兼庭霞舞幾行遙入塞
雲寬榆關不信春先度獨倚殘枝不忍看

玉蘭花盡海棠歌塞北暄寒雁獨知日照香泥紅已

散雲連斜漢白同吹應將海燕分春社似惜林花墜
晚枝憔悴東風多少恨傷心何必獨秋時

徑濕胭脂破小紋歸鴻影裏雪紛紛偏當雨露摧新
萼纔釋冰霜返舊羣紅粉墜樓魂欲斷黃沙憶漢
相聞陽春何事多離別委地穿雲恨不分

萬點飄殘怕綠肥碧天又見鴈行微青青或憶明妃
塚故故愁沾楚客衣貪子五更先雨落來賓二月帶
霜歸上林秋老芙蓉發又繫蘇卿寸白飛

樓居避水簡吉人

泛斗難乘博望槎均堂如海浪生花幕栖穉子疑巢

燕灶斷朝炊欲產蛙堯水忽侵磨鏡里孔桴將犯野
鷗家仙人舊說樓居好風雨吹簫待紫霞

避水樓居寄柬念孺晦若南山別墅作

亂綠吞湖欲抱城魚依藻井鳥依桁庭懸明月光搖
水砌積滄浪濯可纓秦浦兼葭今宛在米家書畫笑
平生湖邊憶汝亭邊石瀛海蓬山各勝情

四月十日吉人社集陳士業見山樓落成

片石經營傍筍叢新將袍笏學南宮見山簾盡諸峯
雨驚座人歸大國風錦字千函窗並綠朱花幾樹酒
分紅一時賓客皆豪逸笑指星文夜氣中